



Inatsisartuni ilaasortaq
Malik Berthelsen

§ 37-imut Inatsisartuni ilaasortap Malik Berthelsen-ip UPA 2012/89 pillugu apeqqutaanut akissut.

UPA 2012/89, imigassanik tuniniaanerup sivitsiorneqarnissaanut tunngatillugu apeqquteqarneranut Inatsisartunut ilaasortaq qutsavigaara.

Apeqqutit:

1. Immikkoortoq UPA 2012/89-ip, Inatsisartut Naalakkersuisunut suliakkiutaat tusarniutigineqarnissaa sumummita killippa?
2. Imigassat ammasarfiisa sivitsorneqarnissaasa allannguutissaat Naalakkersuisut qaqugu Inatsisartunut saqqummiunniarpaat?

Imigassaarniarnerup sivitsorneqarnissaa pillugu Inatsisartut Naalakkersuisunut suliakki-issutaata qaqugu atuutilersinneqarnissaa innuttaasut akornanni nalornissutaalersimasoq apeqquteqaatigineqarpoq. Tamatumunnga tunngatillugu innuttaasunut erseqqiisaatiginiarlugu, imigassaarniarnerup sivitsorneqarnissaata aalajangiussap qaqugu atuutilersinneqarsinnaanera allannguinnissamullu tunngatillugu qanoq suleriaaseqartarneq, Peqqissutsimut Naalakkersuisoqarfiup januaarip arfineq pingajuani 2012 tusagassiuti-nut nalunaaruteqarnera, matumuuna ilisimatitsissutigineqassaaq.

Apeqqutit ataatsimoortillugit ima akissuteqarfigineqarput:

Imigassaarniarneq inatsisitigit maleruagassiuuneqartarpoq Inatsisartullu imigassaarnia-nermut atatillugu nutaanik periarfissiinerat, inatsimmik atuuttumik allannguineramik kin-guneqatussaassaaq. Nutaamik nalunaarusiunnarluni tamanna naammassineqarsin-naanngilaq. Inatsisissamik suliaqarnermi suleriaatsit aalajangersimasuupput susas-saqartut pisumut attuumassutillit tusarniaavigineqarnerisigit inatsisiliormut tunngatil-lugu piumasaqaatinik eqquutitsinikkut, inatsisiliormi misissuinerit assigisaallu ma-leruagassaapput. Taamaammal imigassanik aalakoornartortalinnik nioqquteqartarneq sassaallertarnerlu pillugit Inatsisartut Inatsisaata nr. 11-ip novembarip 11-ani 2000-imeersup allannguutissaa, siusinnerpaamik Inatsisartut 2013-imi ukiakkut ataatsimiin-neranni Inatsisartunit akuerisassanngorlugu saqqummiunneqarsinnaavoq.

Imigassanik aalakoornartortalinnik nioqquteqartarneq sassaallertarnerlu pillugit Inatsisartut Inatsisaata nr. 11 novembarip aqqarnani 2000-imeersup allanngortinnissaa-ta suliaralugu aallartinneqareersimanera, Naalakkersuisut matumuuna ilisimatitsis-sutigissavaat. Inatsisissatut siunnersuut nutaaq Inatsisartunut akuerisassanngorlugu saqqummiutsinnagu sioqqutsilluni tusarniaassutaanissaa aaqqissuunneqassaaq.

Inussiarnersumik inuulluaqqusillunga


Agathe Fontain

18. januar 2013
Sagsnr. 2013-079208
Dok. Nr. 1116212

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl